

Arkiv: <arkivID><jplD> FE-033, HistSak-14/3748
JournalpostID:
Sakshandsamar:
Dato: 17.02.2021

Saksframlegg

Saksnr.	Utlval	Møtedato
049/21	Alver kommunestyre	25.03.2021

Spørsmål/interpellasjon til kommunestyret 25.03.2021

Alver kommunestyre 25.03.2021:

Handsaming:

Interpellasjon nr.1 vart ikkje handsama då dette er sak til handsaming i kommunestyret i dag.

Spørsmål frå N.M.Aadland-H:

Spørsmål om forsøpling av bustadområde

I kommunestyret 25.06.20 stilte underteikna spørsmål om korleis Alver kommune følgjer opp forsøpling av bustadområde. Dette gjeld spesielt grunneigarar som opplever at nabo har mange gamle bilvrak ståande på si tomt overlang tid, opp til fleire år.

Til dette svara ordførar mellom anna at «avdeling for Miljø og tilsyn har aktiv oppfølging med denne type saker, og i fleire av dei er det no gitt pålegg om opprydning, og det blir gitt tvangsmulkt dersom opprydning ikkje er gjort og meldt tilbake til kommunen innanfor den fristen som er satt i vedtaket».

Svaret var etter mi meining positivt, men eg er kjent med at det i nokre tilfelle er gitt pålegg om opprydning, utan at dette har ført til at bilvrak er fjerna fleire månader etter fristen som er satt i vedtaket. Spørsmålet mitt blir då; Korleis vil Alver kommune handtere denne type situasjonar?

Svar frå ordførar:

I saker som gjeld forsøpling der Alver kommune har gitt vedtak om pålegg om opprydding etter forureiningslova vert det satt ein tidsfrist for når opprydding skal skje. I same vedtak vert det gjort vedtak om at det vil bli gitt gebyr/mulkt dersom opprydding ikkje skjer innanfor den tidsfristen som er satt. Mulкта skal vere eit motiv for å sikra at den som er ansvarleg for oppryddinga utfører det som kommunen har gitt pålegg om. Mulкта kan bli gitt som ein eingongssum og/eller som dagmulkt som går inntil opprydding er utført og dokumentasjon er sendt til kommunen. I fleire av dei sakene som kommunen har aktiv oppfølging på så er det gitt mulkt då fristen for opprydding er ute.

Dersom kommunen ikkje oppnår målet om at den ansvarlege for forureininga/forsøplinga rydda opp til tross for pålegg og mulkt, så kan vidare saksgang vere at kommunen sender ut varsel og vedtak om at kommunen tar gjennomføring av opprydding på den ansvarlege si rekning. Melding til politiet om lovbrøt er og eit verkemiddel som kommunen har etter forureiningslova.

Målet kommunen jobbar etter er at den ansvarlege sjølv står for oppryddinga som dei sjølv er ansvarlege for, og administrasjonen har jamleg oppfølging i desse sakene. Det er dialog med partane og synfaringar for å følgje med om det er utvikling i saka.

Interpellasjon frå N.Øvreås-FRP:

Har Alver kommune en god rutine for årlig tilstandsrapportering om barnevern?

Bakgrunn:

Det har kommet endringer i barnevernloven som nå innehar et krav om at kommunestyret årlig skal motta en tilstandsrapportering. Dette trådte i kraft 1. januar i år (2021).

En slik tilstandsrapportering kan styrke barnevernet og gjøre at både administrasjonen og politiske organ får mer bevissthet rundt barnevernet.

Det er veldig positivt at kommunene nå får et krav på seg til å levere en årlig tilstandsrapportering. Vi vet at oppfølging av barnevernet kan være vanskelig å prioritere. Men dette må tas alvorlig. Rapportering vil forhåpentligvis sørge for at et bedre barnevern, også i vår kommune.

Det er viktig at rapportene kommunestyret får fremlagt er nyttige. Det bør derfor stilles krav til rapportens krav og innhold, slik at ikke rapportene blir utformet på en måte som unnlater viktig informasjon om hvordan det ligger an med barnevernet i kommunen. Rådmann bør kontakte de kommuner som ansees å være gode på rapportering, slik at våre rapporter blir så gode som mulig. Vi bør ha som ambisjon å være blant de aller flinkeste i landet på barnevern, og god rapportering er et godt verktøy for å oppnå dette.

Det siste året har, på mange måter, vært et annerledes år. Mange har hjemmekontor, andre blir permittert eller mister jobber, og en del elever opplever mye hjemmeskole. I slike tider er det ekstra risiko for utsatte og sårbare barn og unge. Derfor er det spesielt viktig at vi har et velfungerende barnevern.

1. Vil Ordfører legger frem sak, snarest mulig, med utgreiing om hvordan den årlige tilstandsrapporteringen kan gjøres best mulig?
2. Vil det legges plan på hvordan rapporteringen kan forbedres årlig ?

Ber om at ordfører gi en særskilt rapportering på hvordan det har vært jobbet med sårbare barn (herunder også barnevern) hittil i pandemien og veien videre frem mot gjenåpning av samfunnet.
med vennlig

Svar frå ordførar:

Spørsmål 1:

Vil Ordførar leggje fram ei sak, snarast mogleg, med utgreiing om korleis den årlege tilstandsrapporteringa om barnevernet skal gjerast best mogleg?

Endring i lovverket

Frå 1.1.21 er det lovbestemt at kommunestyret minst ein gong i året skal få ei orientering om tilstanden i barneverntenesta (bvl. § 2-1, nytt åttande ledd). Framlegget om å lovfeste ei plikt til årlig tilstandsrapportering om barnevernet til kommunestyret var på høyring i 2019, og i all hovudsak var det positive innspel som vart sendt inn.

Eit hovudmål med rapporteringa er å gi kommunestyret betre innsikt i tilstand, utvikling og viktige problemstillingar i barnevernet. Målet er betre prioriteringar og kontroll i kommunane.

Frå 1.1.21 blir også reglane om kommunen si plikt i høve til internkontroll endra. For barnevernet betyr dette at plikt til internkontroll av oppgåver etter barnevernlova vil bli regulert av kommunelova § 25-1. Endringa i lovverket skal bidra til å styrkje kommunen sitt arbeid med internkontroll med korleis kommunen oppfyllar sine lovpålagte oppgåver etter barnevernslova, ved å samordne og forenkle regelverket om internkontroll.

God internkontroll er kjenneteikna av systematiske tiltak som skal sikre at aktivitetar i barneverntenesta blir planlagt, organisert, utført og halde ved like i samsvar med krav som er fastsatt i eller i medhald av lov.

Tilstandsrapporteringa inngår som ein del av internkontrollarbeidet i barnevernet.

Innhald i tilstandsrapporten

Den årlege tilstandsrapporten skal følgje ein fastsett struktur, men tilpassast lokale forhold. Det er utarbeidd både mal og rettleiing for utfylling av rapporten, som ligg tilgjengeleg på Bufdir sine sider. Alver kommune vil bruke rettleiaren og mal for rapportering i prosessen med å førebu og utarbeide tilstandsrapporten.

Innhald i rapporten - mal:

- Kort om barnevernet
- Organisering
- Temaområde (demografi, meldingar, undersøkingar, tiltak, fosterhjem, ettervern, kvalitet,

- bemanning og kompetanse, økonomi)
- Samarbeid med andre sektorar
- Førebyggjande arbeid
- Utfordringsbilete
- Innsatsområde og tiltak

Utvikling av praksis

I prosessen vil vi byggje på erfaringane kommunane har med tilstandsrapportering for skule samt sjå til andre kommunar som har starta med tilstandsrapportering om barnevernet til kommunestyret. Erfaringar tilseier at involvering og godt samarbeid undervegs i prosessen bidrar til betre rapportar, og betre konklusjonar.

Tilstandsrapport for barnevenstenesta i Alver skal handsamast i både Utval for oppvekst, kunnskap og kultur samt Kommunestyret. Sidan dette er første året barnevenstenesta i Alver kommune skal utarbeide ein slik rapport, har vi ikkje alle detaljar på plass enno. Arbeidet med å førebu tilstandsrapporteringa er starta opp, og målsetjinga er at den skal til politisk handsaming i haust.

Spørsmål 2:

Vil det bli lagt ein plan for korleis rapporteringa kan forbehold årleg?

Den årlege tilstandsrapporteringa vil inngå som ein del av internkontrollarbeidet i tenesteområde barnevern. Viktige moment som også må belysast her, er innføring av ny barnevernreform/oppvekstreform om endringar i høve til kommunane sitt ansvar for oppgåver. Tilstandsvurderinga inngår som ein del av tenesta sitt systematiske arbeid og vil kome tydeleg fram i planlegging av gjennomføring av delprosessar før-under-etter rapporteringa.

Forbetring og utvikling av rapporteringa vil vere eit kontinuerleg arbeid, og her vil vi ta utgangspunkt i våre lokale erfaringar og evalueringar samt hente inn informasjon om tilstandsvurderingar utført i andre kommunar. Rapporteringa blir også sett i samanheng med andre relevante planar og rapportar i Alver kommune. Av døme kan nemnast Samfunnsdelen i kommuneplanen, kommunedelplan for oppvekst, tilstandsrapport for skule og oversyn over folkehelse i kommunen. Økonomisk rapportering er også sentralt i dette arbeidet.

Spørsmål 3:

Ber om at Ordførar gir ei særskild rapportering på korleis det har vore jobba med sårbare barn (inkludert barnevern) så langt i pandemien og vegen vidare mot opning av samfunnet.

Frå tidleg start av pandemien og til i dag har vi hatt stor merksemd rundt sårbare barn og unge, både frå nasjonalt hald og lokalt i Alver kommune. Alle tenestene under Oppvekst har kartlagt dei sårbare barna og vurdert behov for oppfølging.

Barneverntenesta har jobba som normalt i heile perioden. Meldingar til barneverntenesta er undersøkt, heimebesøk er gjennomført og samtalar med barn og unge er gjennomført. Besøk og samtalar har gjerne vore gjennomført i barnehagar, skular eller ved fysisk tur saman. Samarbeids- og nettverkskontakt har vore brukt mykje, og har mellom anna hatt opplæring på teams og webinar. Det er brukt tid på samtalar og rettleiing til samarbeidspartane til barnevernet.

Døme på korleis det har vore jobba i sektoren:

- Barnevern, PPT, Helsestasjon, barnehage og skule – Kartleggje gruppa sårbare barn og etablere tiltak for oppfølgingSkulehelsetenesta - Samtale med barn og unge med familie – Tverrfagleg samarbeid
- PPT – Systemtiltak og individ/gruppetiltak barnehagar og skular – ressursteam
- Psykolog – Rettleiing tilsette
- Psykolog – Oppfølging barn og unge
- Samarbeid med Kultur – Alternative tilbod til fritidsklubbar
- Etablert tverrfagleg nettverk for målgruppa

Barn og unge opplever situasjonen ulikt. Nokre fortel om auka tryggleik grunna færre i gruppe/kohort, medan andre opplever krav til organisering og sosial kontakt som svært begrensande. Barnevernet og skulehelsetenesta opplever ei auke i saker/behov for kontakt.

Gjennom arbeidet som er gjort, er det avdekka at fleire barn og unge tar kontakt med tenestene/vaksne og det er aukande behov for samtalar med vaksne. Fleire barn og unge melder om utfordringar knytt til psykisk helse, inaktivitet, skulevegning og i forhold til mat.

Kommunen har etablert eit nettverk for tverrfagleg samarbeid rundt målgruppa sårbare barn og unge. I dette nettverket deltek mellom anna representantar frå Oppvekst, Kultur, Psykisk helse og rus, NAV og Politi.

Kommunen har søkt om, og fått tilskot om midlar som kan bidra til å kompensere for manglande tilgang på digitalt utstyr heime. Her har kommunen lånt ut cromebook til elevar i barneskulane, då kommunen har 1:1 dekning i ungdomsskulane.

Viser her til Formannskapet si bestilling til møta i april, ei orientering om tiltak for å motverke dei psykososiale verknadane av koronapandemien for barn og unge. Administrasjonen vil i den orienteringa også informere om

korleis det har vore jobba med å fange opp og følgje opp sårbare barn og unge fram til i dag, samt belyse prioriteringar og behov for tida som kjem.

Interpellasjon frå H.Breivik-Uavh.:

Ordføreren i Voss herad sendte i september 2020 et brev til samferdselsdepartementet som belyser negative konsekvenser av bompengepakken på Voss sett i sammenheng med kommunesammenslåingen med Granvin, se vedlagte brev. De ber om at regjeringen sletter gjenstående bompengegjeld på ca. 200 mill. kroner.

NRK forteller at Samferdselsminister Knut Arild Hareide (KrF) mener ordføreren i Voss herad har flere gode poenger. Hareide sier blant annet:

– Vi er positive til bompengeprojekt, men ikke den typen prosjekt som splitter en kommune på denne måten.

Hareide mener at det er et viktig prinsipp at man skal kunne reise innad i en kommune uten å betale bompenger.

– Vi har bomprosjekt som bryter med det, men her har det vært en spesiell situasjon etter sammenslåingen. Da er det grunner til å se på det.

Alver er i en tilsvarende situasjon, der innbyggere fra alle de tre kommunene nå må betale bompenger for å kjøre innad i nye Alver kommune, bl.a. til –og fra kommunesenteret i Knarvik. Dette var aldri et tema i debatten da bompengepakken ble vedtatt, spesielt ikke i kommunestyrene til tidligere Meland- og tidligere Radøy kommune. Dette fordi kommunesammenslåingen på dette tidspunktet ikke var lansert. Nå har også vi i Alver gjort som staten har bedt om ved å slå sammen kommunene. Mange av servicetilbudene har med dette blitt flyttet til Knarvik. Nå er det på sin plass at staten også tar ansvar for konsekvensene av dette. Vi må heller ikke glemme at innbyggerne i vår region har bidratt med en betydelig bompengesum for staten sin kyststamvei og europavei over fjorden, -E39 Nordhordlandsbroen, og har med dette betalt bompenger siden 1950-tallet for å avløse den mest trafikkerte fergestrekningen i et av verdens rikeste land.

Uavhengig gruppe/Folkepartiet Alver mener det vil være dumt av Alver å ikke kaste seg på ballen og kreve samme løsning også for Alver.

Vi ønsker å sende et tydelig signal til samferdselsdepartementet på vegne av våre innbyggere. For å få tyngde bak dette, håper vi derfor at et samlet kommunestyre, ved ordfører, sender et tilsvarende brev som klart og tydelig gjengir ovennevnte argumentasjon, med et krav om å slette gjenstående gjeld –og dekke fremtidig bompengandel som følge av ulempene kommunesammenslåingen har medført.

Svar frå ordførar:

Ordførar vil starte med å vise til politisk styringsstruktur og reglement og det som gjeld interpellasjonar. Her står det m.a. at «*Spørsmål av prinsipiell art, der det vert føresett meir omfattande svar og eventuelt debatt, vert å behandla som interpellasjon*». Ordførar kan ikkje sjå at denne interpellasjonen inneheld eit spørsmål, og ber kommunestyret om å setje seg inn i reglementet, slik at vi i framtida kan handsame interpellasjonar som er i tråd med reglementet.

I interpellasjonen frå representanten Breivik blir det vist til eit brev som ordføraren i Voss herad har sendt til samferdselsdepartementet om Vossapakko og sletting av gjelda etter kommunesamanslåinga. Vossapakko vart innført av Voss kommune i 2009(?) som ei kommunal bompengepakke og bomstasjonane vart sett på kommunegrensa til dei omkringliggjande kommunane. Hovedpoenget i brevet frå ordføraren på Voss er at etter kommunesamanslåinga med tidlegare Granvin herad kjem ein i strid med dei prinsippa som var førande då den kommunale bompengepakka vart innført i si tid.

Nordhordlandspakken er ei *regional* bompengepakke, *ikkje* kommunal, og det er prosjekt i fire andre Nordhordlandskommunar utanom Alver kommune: Austrheim, Fedje, Masfjorden og Modalen. Når ein tillegg veit at ein planla, før kommunesamanslåinga, med bommar internt i både Lindås og Radøy, så blir det vanskeleg å følgje resonnementet i brevet frå Voss herad. I tillegg er Vossapakko i sluttfasen av innkrevjinga, medan Nordhordlandspakken er heilt i startfasen. Alt dette gjer det vanskeleg fremje slike krav slik situasjonen er no. Fokuset for Nordhordlandspakken nå må vere å få vedtatte reguleringsplanar og realisering av prioriterte prosjekt. Innbyggjarane og næringslivet i Alver kommune fortener betre og trygge vegar.

Ordførar vil heller vise til forslaget som samarbeidspartia fremja, og vedtaket som formannskapet gjorde, rett

før jul 2019 om utgreiing av 3 t-regel og ev. endring av plasseringa av bommar. Dette fekk tilslutnad i regionrådet i Nordhordland og har vorte utgreidd av Vestland fylkeskommune. I oppfølgjinga har formannskapet seinare vedtatt at vi vil gå vidare med å sjå på moglegheiter for å innføre ein 3 t-regel i Nordhordlandspakken på ettermiddagstid. Dette er meld som sak til regionrådsmøtet i april og ordførar tenkjer at dette er rett spor for ev. å senke kostnadene for t.d. barnefamiliar som har barn på fritidsaktiviteter om ettermiddagane.

KO- 049/21 Vedtak:

Vedlegg i saken:

17.02.2021	Interpellasjon frå Nina Øvreås	1513739
18.03.2021	Spørsmål om forsøpling av bustadområde N.M.Aadland-H	1530306
18.03.2021	Interpellasjon N.Øvreås	1530307
18.03.2021	Interpellasjon H.Breivik-uavh.	1530309
18.03.2021	Sletting av bompengegjeld Vossapakko vedlegg interpellasjon H.Breivik	1530310